



## Universitätsbibliothek Paderborn

### V. P. Gasparis Druzbicki, Societatis Jesu, Opera Omnia Ascetica

Aucta Duobus Opusculis De Effectibus, Fructu, Et Applicatione Sanctissimi  
Missæ Sacrificii, Et De Sublimitate Perfectionis Religiosæ. Catalogum  
Tractatum Asceticorum Omnium Vicina Post Dedicationem Pagina  
Indicabit

V. P. Gasparis Druzbicki, Societatis Jesu, Tractatus De Negotiationis  
Spiritualis Industriis

**Družbicki, Kaspar**

**Ingolstadii, 1732**

**VD18 90066367**

Industria XVIII. Possumus Operum nostrorum valorem per vota iis  
præmissa augmentare.

**urn:nbn:de:hbz:466:1-45372**

## INDUSTRIA XVIII.

*Possimus Operum nostrorum valorem, per vota iis præmissa augmentare.*

**I**nter alias rationes, quibus opera nostra effici solent apud Deum, majoris atque fæcundioris tum meriti, tum ad impetrandum & satisfacendum ponderis, est, si fiat aliquod opus ex voto, & ex obligatione voti. (quo loco etiam adjungo juramentum: licet votum præstet juramento, teste D. Thomâ 2. 2dæ. Q.a.) Constat enim, hac obligatione, mirificè opera nostra Divinæ Majestati commendari, atque, quod consequens est, efficaciæ majoris apud Deum reddi solere. Hæc igitur Industria præsens, docet hoc, ut ad majus meritum, ad magis Deo placita reddenda opera nostra, addamus eis sanctitatem votorum: ita ut ea ex voto faciamus: hoc est, votum de eis faciendis priùs concipiamus; eoque concepto, illatum faciamus: sive sint interna tantum opera, sive exterria etiam; sive sint naturalia; sive supernaturalia; sive sint spontanea; sive obligatoria; & aliunde obligata; sive alias facienda, sive non facienda, nisi ex inductione voti facti. Quia verò ex hac verborum præmissione & usurpatione, possent aliquibus ignaris ac ingautis, loco profectūs & lucri spiritualis, potius impedimenta, damna, scrupuli, & scopuli conscientia nasci; nollem autem ego in ullo meo scripto cuiquam laquem iniici; ideo cautela quadam est adhibenda in hujus Industriæ usu: & quidem hac potissima: ut hæc vota non se se extenderat, neque in ordine ad opera non posita in nostrâ potestate, neque ad opera diu & crebro à nobis fæcunda.

bitanda, neque ad opera tardè pòst futura à nobis, neque ad opera, in quibus potest subesse periculum alicui votum irritandi: sed ad opera obvia, quotidiana, notabiliora, in potestate posita, & in præsenti statim futura, & nullius irritationis voti periculo exposita. Ita exempli gratiâ, si dicturus sum Orationem Dominicam, Horas Canonicas, Sacrum Missæ Officium, Coronam; si sumpturus sim Eucharistiam; si facturus aliquam mortificationem corporis, actum aliquem Virtutis; facturus, inquam, sim ita, ut sim jam accinctus ad faciendum; possum talibus remittere votum, & statuere atque facere illa ex voto, ex voto, inquam, tali quod se extendet tantum ad præsentem actum, non ultrà: & quod in tantum me obliget ad faciendum, in quantum est in mea potestate facere: Quodsi interveniat aliunde impedimentum, factionis, hoc ipso cesset votum. Atque hac ratione votum si usurpetur in nostris operibus; nihil periculi affert, plurimum lucri & pietatis augebit animabus. Quod enim periculum sit animæ, si jam ad Sacrum dicendum procedens concipio votum faciendi illud, vel faciendi in hunc illumve finem, gloriæ Dei? &c. Item si dicturus, Ave Maria, oveam me dicturum illud, vel dicturum in honorem Virginis MARIÆ? Quodsi, ita inopinatè quidpiam interveniat & interpellet me in suis recitatione, hoc ipso ex intentione meâ, voti eius non sum, &c. Igitur si quis rectè attendat aliquid quod dictum est in hac Industriâ; tam multum potest esse utilitatis, quam nihil omnino periculi.

Addo hoc loco: votum præmitti posse non  
V.P. Druzb. Op. IV. I tan\*

tantum actionibus, sed etiam intentionibus actionum. Ut, si facturus sim pro defuncto aliquo; possum praemittere votum, non tantum de faciendo Sacro, sed etiam de faciendo pro defuncto. Item si velim subire afflictionem aliquam, ad gustum Dei voluntatis, ad me in conspectu Dei vilificandum, Deum vero exaltandum, ad hoc vel illud impetrandum, ad pro hoc vel illo satisfacendum; omnia ista voti obligatione exornare possum absque ullo periculo, magno cum lucro.

Addo præterea aliud: Vota modo jam explicato fieri à nobis posse, non tantum de operibus faciendis; sed etiam de non faciendis: maximè sensualibus & commoditativis, aut certè quibus cunque non obligatoriis, hinc & nunc sub tali vel tali conditione. Sic v. g. si quis stimuletur ad dicens aliqua alicui, ad videnda vel audienda nova, curiosa, ad utendum hac vel illâ commoditate, potest commodissimè, & utilissimè, interdicere sibi illis dicendis, videndis, audiendis, utendis, ad aliquantulum tempus, unius Ave Maria &c. idque ex voto seu per votum.

Denique addo: per hæc vota non solùm immediate Deum honorari posse sed etiam Sanctos ejus; ut si v. g. voveamus id vel id facere in honorem Sancti alicujus vel Sanctorum.

## INDUSTRIA XIX.

*In operibus nostris, nosmet ipsos sacrificare debemus D EO.*

**A**D augendum valorem operum nostrorum, valet etiam plurimum Sacrificatio nostri in operibus nostris, vel ipsorum Operum no-

stro.